

合校水經注

合校水經注

水經注卷三十一

長沙王氏校本

後魏酈道元撰

滢水

清水

澗水

濯水

瀨水

無水

湏水

滢水出南陽魯陽縣西之堯山

趙釋曰全氏曰按左傳云楚子與晉師夾泚而軍杜預曰泚

水出魯陽縣東經襄城定陵入汝卽滢水也蓋音同字異耳

堯之末孫劉累以龍食帝孔甲孔甲又求之不得累懼而遷

于魯縣立堯祠于西山謂之堯山故張衡南都賦曰奉先帝

而追孝立唐祠于堯山堯山在太和川太和城東北滢水出

焉張衡南都賦曰其川瀆則滢澧灤澗發源巖穴布濩漫汗

漭沆洋溢總括急趣箭馳風疾者也滢水又歷太和川東逕

小和川又東溫泉水注之水出北山阜七源奇發官本日按近刻脫阜

字源訛作泉 案朱脫訛趙增改刊誤曰北山下落阜字寰宇記校增泉當作源炎熱特甚鬪駟曰

縣有湯水可以療疾官本日按近刻疾下有矣字案朱趙有湯側又有寒泉焉

地勢不殊而炎涼異致雖隆火盛日肅若冰谷矣渾流同溪

南注澁水官本日按南下近刻有流字澁水朱趙不重案朱有趙刪刊誤曰流字衍文又

東逕胡木山東流又會溫泉口水出北山阜炎勢奇毒痲疾

之徒無能澡其衝漂救癢者朱趙癢竝作養刊誤曰箋曰白氏六帖作救癢按癢本作養荀

子榮辱篇骨體膚理辨寒暑疾養凡从疒後人所加咸去湯十許步別池然後可入湯

側有石銘云皇女湯可以療萬疾者也故杜彥達云然如沸

湯可以熟米飲之愈百病官本日按飲之近刻訛作飯而案朱同箋曰一作飲之趙改飲之

道士清身沐浴一日三飲官本日按近刻訛作飯案朱作飯箋曰一作飲趙改飲多少

自在四十日後身中萬病愈三蟲死學道遭難逢危終無悔
心可以牢神存志卽南都賦所謂湯谷湧其後者也然宛縣
有紫山山東有一水東西十五里南北二百步湛然沖滿無
所通會冬夏常溫世亦謂之湯谷也非魯陽及南陽之縣故

也

趙釋曰一清按漢志宛魯陽俱屬南陽郡何以云非魯陽
及南陽之縣殊不可解酈蓋以宛有湯谷魯陽亦有之南

都賦所云是宛之湯谷非魯陽之湯水西京南陽治宛而王
莽更宛曰南陽故亦或有直稱宛爲南陽之縣也然文義特

晦張平子廣言土地所苞明非此矣滢水又東房陽川水注

之水出南陽雒縣西房陽川北流注于滢滢水之北有積石

焉世謂女靈山其山平地介立不連岡以成高峻石孤峙不

託勢以自遠四面壁絕極能靈舉遠望亭亭狀若單楹插霄

矣北面有如頽落劣得通

朱作道箋曰當
作通步趙改通

步好事者時有板

陟耳澧水又與波水合水出霍陽西川大嶺東谷俗謂之歇

馬嶺川曰廣陽川非也即應劭所謂孤山波水所出也馬融

廣成頌曰浸以波澆其水又南逕蠻城下蓋蠻別邑也俗謂

之麻城非也波水又南分三川于白亭東而俱南入澧水澧

水自下兼波水之通稱也是故闕駟有東北至定陵入汝之

文趙釋曰全氏曰周禮豫州其川滎洛其浸波澆康成師古皆不知波水所在而以滎波之波當之後人或疑其非而以爾雅洛出為波之波當之不知滎洛既為川矣不應復以其支流為浸也波水自當以出霍陽由澧入汝之波為是此

可補入周禮注中澧水又東逕魯陽縣故城南城即劉累之故邑也

有魯山官本曰按近刻脫山字案朱脫趙增刊誤曰有魯下落山字漢書地理志校增縣居其陽

故因名焉王莽之魯山也趙釋曰一清按今漢志無此文昔在于楚文子守

之與韓邁戰官本曰按邁近刻作構案朱趙同有返景之誠內有南陽

之與韓邁戰官本曰按邁近刻作構案朱趙同有返景之誠內有南陽

都鄉正衛爲碑

趙釋曰隸釋跋曰罷繩正衛彈碑水經作衛爲靈帝中平二年立在汝州昆陽城中水經

魯陽縣有南陽都鄉正衛爲碑平氏縣有南陽都鄉正衛彈

勸碑此則其一也趙氏誤認衛爲街遂云莫曉其爲何碑予

考其文則縣令寧陵君承昆陽喪亂之餘愍繇役之害結單

言府班董科例收其舊直臨時募願不煩居民太守東郡王

瓌丞濟陰華林優卹民隱爲之立約自是之後吏無苛擾之

煩野無愁痛之聲其大略如此又云因民所利斯所謂惠康

之策又有輕賦斂及役艱苦之語頌則美其輕賦均約蓋是

紀述守令繇役條教也前書食貨志月爲更卒已復爲正注

云更卒謂給郡縣一月而更者正卒謂給中都官者衛宏漢

官舊儀民年二十三爲正一歲爲衛士一歲爲材官習射御

騎馳戰陣又云民給正衛材官年五十六老衰乃得免爲民

酸棗令劉熊碑云愍念烝民勞苦不均爲作正彈造設門更

此云都鄉正衛彈者與劉君碑同困學紀聞曰周禮里宰以

歲時合耦于耒注云耒耨耨者里宰治處也若今街彈之室于此

合耦使佐助疏謂漢時在街置室檢彈一里之民金石錄有

中平二年正月都鄉正街彈碑在昆陽城中趙明誠失于攷

禮注而酈道元注水經洪氏隸釋皆以街爲衛又誤矣漢書

食貨志言古制云春將出民里胥平旦坐于右塾鄰長坐于

左塾畢出然後歸夕亦如之里胥之塾其卽里宰所謂耨者

與續金石錄云周禮里宰合耦于耒鄭元謂耦耨者里宰治處

也若今街彈之室疏云漢時在街置室檢彈一里之民于此水經建寧三年改新豐爲都鄉而百官志凡州所監爲都都鄉者都邑之鄉若今之闕廂也故鄉曰某鄉而都鄉則無地名封爵有都鄉侯在關內侯之上正者漢官舊儀云民年二十三爲正一歲以爲衛士一歲爲材官騎士前漢食貨志月爲更卒已復爲正師古曰更卒給郡縣一月而更正卒爲給中都官者此都鄉之正也周禮于勸農耦以勸農漢人于街彈之室糾彈不法昆陽當亂喪之餘徭役煩苦郡守縣合班董科條收其舊直臨時願募不煩居民立碑于街彈公所以頌其德也洪氏云趙氏誤認衛字爲街改名街彈碑亦引衛宏漢官舊儀爲證無論街彈見于註疏若衛士乃正卒一歲以後所遷之名又一歲爲材官騎士百官志註云凡八月都尉令長相丞尉課試殿最非若正卒亭長之所得糾彈也况去士字似不成語予意仍題街彈爲得洪氏碑目云水經作衛爲趙作街彈按水經魯陽縣有南陽都鄉正衛爲碑衛爲似人姓名在魯陽非昆陽也如以衛字屬之上文則爲碑二字題額又何說乎又引劉熊碑愍念烝民勞苦不均爲作正彈按三國志吳張淑爲司直表正彈曲二十人專司不法與劉碑之正彈同非此碑之正係卒夫之名也况洪之所辨乃衛字若引劉碑則正彈連合又何關涉乎卮林曰水經注魯陽縣有南陽都鄉正衛爲碑平氏縣有南陽都鄉正衛彈勸碑衛之與街豈可強傅者按鄭元駁許慎異義曰周禮六十

十五皆征之使爲胥徒給公家之事如今之正衛耳又張晏漢書注曰監門里正衛也正衛自是漢魏微官秩若封人仕同里宰不得以解街彈之室也

潢水右合魯陽關水水出魯陽關外分頭山橫嶺下夾谷東北出入潢潢水又東北合牛蘭水水發縣北

牛蘭山東南逕魯陽城東水側有漢陽侯焦立碑牛蘭水又

東南與柏樹溪水合水出魯山北峽谷中東南流逕魯山西

而南合牛蘭水又東南逕魯山南關駟曰魯陽縣今其地魯

山是也水南注于潢潢水東逕應城南故應鄉也應侯之國

詩所謂應侯順德者也彭水注之俗謂之小潢水水出魯陽

縣南彭山蟻塢東麓北流逕彭山西下有彭山廟廟前有彭

山碑漢桓帝元嘉三年杜仲長立趙釋曰一清按范史桓帝紀元嘉紀元僅二年至明

年夏五月改元曰永興不得云三年也或碑以春立在未改元之先此與成陽靈臺碑正同

彭水逕其西

北漢安邑長尹儉墓東冢西有石廟廟前有兩石闕闕東有

碑闕南有二獅子相對南有石碣二枚石柱西南有兩石羊

中平四年立彭水又東北流直應城南而入滢滢水又左合

橋水水出魯陽縣北特山朱作東箋曰宋本作北特山趙改山東南逕應山北

又南逕應城西地理志曰故父城縣之應鄉也周武王封其

弟爲侯國應劭曰韓詩外傳稱周成王與弟戲以桐葉爲圭

曰吾以封汝周公曰天子無戲言王乃應時而封故曰應侯

鄉亦曰應鄉按呂氏春秋云成王以桐葉爲圭封叔虞非應

侯也汲郡古文殷時已有應國非成王矣趙釋曰一清按呂氏春秋以下是臣

瓚說見漢志注師古曰武王之弟自封應國非桐圭之事應氏之說蓋失之焉又據左氏傳云邗晉應韓武之穆也則應

侯武王之子又與志說不同戰國范雎所封邑也謂之應水滢水又東逕

犍縣故城北左傳昭公元年冬楚公子圍使伯州犁城犍是

也出于魚齒山下春秋襄公十八年楚伐鄭次于魚陵涉于

魚齒之下甚雨楚師多凍役徒幾盡官本日按役徒近刻晉作徒役案朱趙同

人聞有楚師師曠曰不害吾驟歌北風又歌南風南風不競

多死聲楚必無功矣所涉即湑水也水南有漢中常侍長樂

太僕吉成侯州苞冢官本日按近刻脫成字州字案朱脫趙增刊誤曰金石錄漢隸字源引此文

俱作吉成侯冢前有碑基西枕岡趙基改墓刊誤曰墓隸釋作墓城開四門

門有兩石獸墳傾墓毀碑獸淪移人有掘出一獸猶全不破

甚高壯頭去地減一丈許作制甚工左膊上刻作辟邪字門

表壘上起石橋歷時不毀其碑云六帝四后是謬是諷蓋仕

自安帝沒于桓后于時閹闈擅權五侯暴世割剝公私以事

生死夫封者表有德碑者頌有功自非此徒何用許爲石至

千春不若速朽苞墓萬古祇彰誚辱嗚呼愚亦甚矣

趙釋曰金石錄

跋尾曰吉成侯州輔碑名字已殘闕其額題云漢故中常侍長樂太僕吉成侯州君之銘輔姓名見范氏後漢書宦者傳以定策立桓帝與曹騰等七人同時封爲亭侯今此碑載當時詔書有云其封輔爲葉吉成侯以此知其名輔而酈道元注水經云滎水南有漢中常侍長樂太僕吉成侯州苞冢冢前有碑其辭云六帝四后是諮是諷今驗其詔文實有此語獨以輔爲苞蓋水經之誤當取漢史及此碑爲正一清按輔碑載隸釋其碑闕姓與字輔字無殘闕趙德甫云冬字殘闕蓋捐本未善耳碑文云特以才明敏達拜小黃門還事和熹后孝安思皇后時爲大宮令孝順皇帝踐祚復拜小黃門遷臧府令當拜中常侍讓與同郡錡任後以病孫位起家復拜謁者令中尙方令遷中常侍遭順帝棄天下扶佐孝冲孝質帝兼領黃門令順烈皇后攝政拜長樂太僕遭孝質無嗣乃定冊帷幕援立聖主有定社稷之勳建和二年七月己巳封爲葉吉成侯和平中復拜大長秋永壽二年十二月丙子薨其銘詞所謂六帝四后是諮是諷者洪氏曰葉吉成者葉縣之吉成亭也又碑陰有故京兆尹延篤叔堅名字洪氏曰州輔碑自漢陽太守而下四十有九人其人稱邑曰冠軍

日宛曰章陵曰新野曰比陽曰魯陽皆南陽之邑餘人惟延
篤有傳乃南陽犇人則不稱邑者犇之人也碑云鄉人姻族
相與刊石則又知輔為犇縣人也又金石錄跋尾云余初得
州君墓碑又覽水經所載意此字猶存會故人董之明守官
汝潁間因託訪求之特以見寄其一辟邪道元所見也其一
乃天祿字差大皆完好可喜之明又云天祿近歲為村民所
毀辟邪雖存然字畫已殘闕難辨

有二源東源出其縣西南踐犢山東崖下水方五十許步不

測其深東北流逕犇縣南又東北屈逕其縣東而北合西源

水官本日按源近刻訛西源出縣西南頗山北阜下東北逕

犇城西又屈逕其縣北東合右水官本日按右近刻訛亂流

北注于滢漢高祖入關破南陽太守呂齮于犇東即于是地

滢水之陰也滢水又東南逕昆陽縣故城北昔漢光武與王

尋王邑戰于昆陽敗之走者相騰踐奔殪百餘里間官本日

按近刻

脫間字
案朱趙無

會大雨如注澧川盛溢

官本曰按川近刻作水

案朱同趙改 虎豹

皆股戰士卒爭赴溺死者以萬數水為不流王邑嚴尤陳茂

輕騎皆乘尸而度

趙作渡矣

東北過潁川定陵縣西北又東過鄆縣南東入于汝

澧水東逕西不羹亭南亭北背汝水于定陵城北東入汝鄆

縣在南不得過

清水出弘農盧氏縣支離山

官本日按支近刻作攻案朱趙作攻趙刊誤日箋曰孫按山海經

云支離之山清水出焉按方輿紀要云郡志云清水出嵩山縣雙雞嶺雙雞蓋攻離之譌然方俗之稱字隨讀改山海經作支

離字形之近也

東南過南陽西鄂縣西北又東過宛縣南

趙釋曰一清按漢志弘農

郡盧氏縣下云熊耳山右有育水南至順陽入沔考酈注以均水當之其出弘農盧氏縣攻離山之清水方輿紀要云俗名白

河逕內鄉縣東境又東南流至南陽府城東繞城南達于新野縣府境諸水悉會焉又南至光化縣東北又東逕故鄧城東南

而入手漢水地理志亦云南陽酈縣育水出西北南入漢與道
元注正同二水源流既不相甚遠而名稱又復相似故詳辨之
此如

清水導源 趙增宏農二字刊誤曰導源 東流逕酈縣故城北

郭仲產曰酈縣故城在支離山東南 官本曰按近刻訛作故城南在攻離山東 案

朱同趙刪 酈舊縣也三倉曰樊鄧酈酈有二城北酈也 官本南仍攻 日按

後魏析置南北酈湍水逕南 漢祖入關下浙酈即此縣也 清

水又東南流歷雒縣之衡山 官本曰按近刻脫歷字之下衍雒字 案朱同趙增歷存雒刊

誤曰流下 東逕百章郭北又東魯陽關水注之水出魯陽縣

南分水嶺南水自嶺南流北水從嶺北注故世俗謂此嶺為

分頭也其水南流逕魯陽關左右連山插漢秀木干雲是以

張景陽詩云朝登魯陽關峽路峭且深亦司馬芝與母遇賊

處也朱箋曰魏志司馬芝字子華河內溫人也少為書生避亂荊州於魯陽山遇賊同行者皆棄老弱走芝獨坐守

老母賊至以刃臨芝芝叩頭曰母老唯在諸君賊曰此孝子也殺之不義遂得免官至大司農關水厯雉衡

山西南逕皇后城西建武元年世祖遣侍中傅俊持節迎光

烈皇后于清陽俊發兵三百餘人宿衛皇后道路歸京師蓋

稅舍所在故城得其名矣山有石室甚飾潔相傳名皇后浴

室又所幸也關水又西南逕雉縣故城南昔秦文公之世有

伯陽者官本日按伯陽近刻訛作陽伯案朱訛趙改刊誤曰陽伯當作伯陽詳渭水篇刊誤逢二童

曰曰日被官本日按近刻訛作二朱趙童二雉也得雌者霸

雄者王一童翻飛化為雙雉趙釋曰一清按史記索隱引列異傳曰陳倉人得異物以獻之

道遇二童子云此名為媚在地下食死人腦媚乃言曰彼童

子名陳寶得雄者王得雌者霸宋書符瑞志媚作媪晏公類

要引此注是曰與被乃兩光武獲雉于此山以為中興之祥

故置縣以名焉

朱箋曰按列異傳云陳倉人得異物獻之道遇二童子云此名為媚在地下食死人腦媚

乃言彼二童子名陳寶得雄者王得雌者霸乃逐童子化為雉秦穆公大獵果獲其雌按神記所引正同但云其雄者飛至南陽秦表其地為雉縣後光武起於南陽此注谷曰以下似有缺文趙釋曰一清按漢志南陽郡雉縣師古曰舊讀雉音弋爾反而太康地志云即陳倉人所逐二童子名寶雞者雌止陳倉為石雄止此縣故名雉縣疑不可據也顏說是也蓋雉縣西京已有之是注云光武中興置縣亦非按神記以為秦縣得之

于清清水又東南流逕博望縣故城東

官本曰按縣下近刻衍西北二字案朱

衍趙刪刊誤曰郭仲產曰在郡東北百二十里

官本曰按近刻脫在字

案朱脫趙增刊誤曰郡上落

漢武帝置校尉張騫隨大將軍在字又朱趙百上有一字

衛青西征為軍前導相望水草得以不乏元光六年封騫為

侯國地理志南陽有博望縣

官本曰按志下近刻衍日字又脫博字案朱趙有日字朱無

博字趙增刊誤曰當作博望縣落博字

王莽改之曰宜樂也清水又東南逕西